

Gwybodaeth am fod yn aelod lleyg o Bwyllgor Llywodraethu ac Archwilio Sir y Fflint

Mae gan Gyngor Sir y Fflint Bwyllgor Llywodraethu ac Archwilio ers blynyddoedd. Ers 2020, mae saith Cynghorydd a tri aelod lleyg ar y Pwyllgor. Mae Aelodau Lleyg yn cyfrannu'n helaeth at waith y Pwyllgor ac, yn seiliedig ar y cyfraniad cadarnhaol y mae'r aelod lleyg yn ei wneud, mae'r Cyngor yn awyddus i recriwtio aelod lleyg newydd i lenwi swydd wag a fydd yn cael ei hysbysebu.

Mae'n ofynnol i'r Pwyllgor Llywodraethu ac Archwilio ymgymryd â'r swyddogaethau canlynol:-

- a) Adolygu a chraffu materion ariannol yr awdurdod;
- b) Llunio adroddiadau ac argymhellion mewn perthynas â materion ariannol yr awdurdod;
- c) Adolygu ac asesu prosesau rheoli risg, rheoli mewnol a llywodraethu corfforaethol a threfniadau gwrth-dwyll a llygredigaeth yr awdurdod;
- d) Llunio adroddiadau ac argymhellion i'r awdurdod mewn perthynas â digonolrwydd ac effeithiolrwydd y trefniadau hynny;
- e) Goruchwyllo trefniadau archwilio mewnol/allanol yr awdurdod;
- f) Gwella (ond nid yn uniongyrchol) strategaeth archwilio mewnol, cynllunio a monitro perfformiad;
- g) Derbyn yr adroddiad blynyddol gan y Rheolwr Archwilio Mewnol;
- h) Adolygu hunanasesiad perfformiad blynyddol ac ymatebion drafft i unrhyw adroddiadau panel;
- i) Adolygu ac asesu gallu'r Cyngor i ddelio a chwynion yn effeithiol;
- j) Gwneud adroddiadau ac argymhellion o ran gallu'r awdurdod i ddelio'n effeithiol â chwynion; ac
- k) Adolygu'r datganiadau ariannol a gaiff eu paratoi gan yr awdurdod.

Cefnogir y Pwyllgor Llywodraethu ac Archwilio gan uwch swyddogion y Cyngor sy'n mynychu i gyflwyno adroddiadau ac i ateb cwestiynau gan aelodau'r Pwyllgor. Mae chwe cyfarfod y Pwyllgor bob blwyddyn. Anfonir y rhaglenni a'r adroddiadau i'w hystyried yn y cyfarfod at aelodau tuag wythnos cyn y cyfarfod. Bydd gan yr aelod lleyg yr hawl i hawlio £105 am bob cyfarfod hanner diwrnod a fynychir. Os bydd cyfarfod yn para dros 4 awr, ceir taliad o £210. Bydd cyfarfodydd yn y dyfodol yn hybrid er mwyn galluogi presenoldeb yn bersonol ac o bell.

Mae rhaglenni ac adroddiadau cyfarfodydd blaenorol y Pwyllgor Llywodraethu ac Archwilio ar gael ar wefan y Cyngor (www.siryfflint.gov.uk). Bydd yr ymgeisydd llwyddiannus yn derbyn hyfforddiant cynefino.

Cyd-bwyllgor Corfforedig

Mae gan y Cyd-bwyllgor Corfforedig Bwyllgor Llywodraethu ac Archwilio sy'n cynnwys tri pherson lleyg sy'n cael eu dewis o'r chwe Chyngor Cyfansoddol. Gofynnir i bob person lleyg a oes ganddynt ddiddordeb gwasanaethu ar y Cyd-bwyllgor Corfforedig. Ar hyn o bryd, nid oes yr un o'r lleygwyr yn gallu ymgymryd â'r rôl ac felly mae'r Cyd-bwyllgor Corfforedig yn brin o ymgeiswyr.

CYLCHRED CYFARFODYDD Y PWYLLGOR ARCHWILIO

Dydd Mercher, 25 Mawrth 2026

Dydd Mercher, 3 Mehefin 2026

Dydd Mercher, 22 Gorffennaf 2026

Bydd pob cyfarfod yn dechrau am 10.00. Ar gyfer rhai cyfarfodydd, bydd sesiynau hyfforddiant/briffio yn cael eu cynnal cyn y cyfarfod, bydd y rhain yn dechrau am 9.30am.

I gael sgwrs am y rôl hon, cysylltwch â:
Gareth Owens ar gareth.legal@flintshire.gov.uk;
Gary Ferguson ar gary.ferguson@flintshire.gov.uk; neu
Lisa Brownbill ar Lisa.brownbill@flintshire.gov.uk